

**OKVIRNI SPORAZUM  
O USLOVIMA I NAČINU IZVOĐENJA RADOVA NA REKONSTRUKCIJI DIJELA  
SAOBRAĆAJNICE I IZGRADNJI PJEŠAČKIH STAZA I PARKINGA U ULICAMA  
BRANILACA VIJENCA, VOGOŠĆANSKIH ODREDA I SPASOJA BLAGOVČANINA, NA  
PODRUČJU OPĆINE VOGOŠĆA**

Zaključen u Vogošći dana 06.07.2020. godine na osnovu člana 32. Zakona o javnim nabavkama BiH ("Službeni glasnik BiH" broj: 39/14), a nakon provedenog Otvorenog postupka nabavke radova na rekonstrukciji dijela saobraćajnice i izgradnji pješačkih staza i parkinga u ulicama Branilaca Vijenca, Vogošćanskih odreda i Spasoja Blagovčanina, na području općine Vogošća, objavljenog na Portalu javnih nabavki BiH pod brojem: 1353-1-3-92-3-77/20 dana 28.05.2020. godine, sažetka Obavještenja o nabavci objavljenog u "Službenom glasniku BiH" broj: 31/20 od 05.06.2020. godine i Odluke o izboru najpovoljnijeg ponuđača broj: 07-11-878/20 od 19.06.2020. godine između:

1. Općine Vogošća, ulica Jošanička broj 80., koju zastupa Općinski načelnik Edin Smajić ( u daljem tekstu Naručilac),
2. Direkcije za puteve Kantona Sarajevo, koju zastupa direktor Selmir Kovač (u daljem tekstu: Naručilac)
- i
3. "Ame" d.o.o. Breza, ulica Branilaca grada bb. Breza, koga zastupa direktor Nedžareta Omerhodžić (u daljem tekstu Izvođač).

**Član 1.**

Ovim Okvirnim sporazumom ( u daljem tekstu Sporazum) ugovorne strane su se sporazumjele o međusobnim odnosima, pravima, i odgovornostima u vezi sa uslovima i načinom izvođenja radova na rekonstrukciji dijela saobraćajnice i izgradnji pješačkih staza i parkinga u ulicama Branilaca Vijenca, Vogošćanskih odreda i Spasoja Blagovčanina, na području općine Vogošća, a sve prema Ponudi Izvođača broj: 025/20 od 15.06.2020. godine, umanjenom za korekcionni faktor nakon održane E-aukcije od 18.06.2020. godine, koja je sastavni dio ovog Sporazuma.

**Član 2.**

Naručilac i Izvođač radova su se sporazumjeli da će međusobno surađivati u toku izvođenja radova na rekonstrukciji dijela saobraćajnice i izgradnji pješačkih staza i parkinga u ulicama Branilaca Vijenca, Vogošćanskih odreda i Spasoja Blagovčanina, na području općine Vogošća, a naročito u:

- planiranju i provođenju radova na rekonstrukciji dijela saobraćajnice i izgradnji pješačkih staza i parkinga u ulicama Branilaca Vijenca, Vogošćanskih odreda i Spasoja Blagovčanina, na području općine Vogošća,
- načinu i uslovima izvođenja radova na rekonstrukciji dijela saobraćajnice i izgradnji pješačkih staza i parkinga u ulicama Branilaca Vijenca, Vogošćanskih odreda i Spasoja Blagovčanina, na području općine Vogošća,
- obračunu radova i načinu plaćanja,
- odgovornosti za štete i druge odgovornosti i
- rješavanju sporova.

**Član 3.**

Okvirni sporazum se zaključuje za period od 3 (tri) godine, ili dok se ne utroše finansijska sredstva po ovom okvirnom sporazumu, a počinje teći od dana kada su obje ugovorne strane potpisale ovaj Sporazum.

#### Član 4.

Maksimalna finansijska vrijednost ovog Okvirnog sporazuma je 549.375,28 KM bez uračunatog PDV-a, odnosno 642.769,07 KM sa uračunatim PDV-om.

Cijene ponude za svaki pojedini ugovor o javnoj nabavci moraju odgovarati cijenama istaknutim u ponudi Izvođača radova broj: 025/20 od 15.06.2020.godine, umanjenim za korekcionni faktor nakon održane E-aukcije od 18.06.2020. godine.

Cijena radova, po pozivu za dostavu ponude, za svaki pojedinačni ugovor je nepromjenjiva za vrijeme trajanja Okvirnog sporazuma, do kada se radovi moraju završiti.

#### Član 5.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorene radove.

Obaveza nastaje tek kad se zaključi pojedinačni ugovor o javnoj nabavci radova na rekonstrukciji dijela saobraćajnice i izgradnji pješačkih staza i parkinga u ulicama Branilaca Vijenca, Vogošćanskih odreda i Spasoja Blagovčanina, na području općine Vogošća, na osnovu ovog Okvirnog sporazuma.

Tokom trajanja ovog Okvirnog sporazuma Naručilac će zaključivati pojedinačne ugovore u skladu sa raspoloživim finansijskim sredstvima i svojim potrebama.

Sklopljeni ugovor na osnovu uslova iz ovog okvirnog sporazuma, obavezuje na izvršenje Izvođača i Naručioca.

#### Član 6.

Pojedinačnim ugovorima regulisat će se predmet ugovora, pismeni nalozi za realizaciju ugovorenih poslova, prava i obaveze ugovornih strana, kao i nadležnost suda u slučaju eventualnog spora.

Pojedinačnim ugovorima regulisat će se i ostala pitanja koja su bitna za izvršenje ugovora, a koja moraju biti u skladu sa Okvirnim sporazumom.

Nakon zaključenja pojedinačnih ugovora po okvirnom sporazumu, Izvođač će biti dužan u roku od 10 dana dostaviti безусловnu bankovnu garanciju za uredno izvršenje Ugovora u iznosu od 10% od vrijednosti Ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza plus 30 dana.

Ukoliko Izvođač u navedenom roku ne dostavi безусловnu bankovnu garanciju, zaključeni ugovori smatrat će se ništavim.

Obrazac garancije za uredno izvršenje ugovora treba biti u formi predviđenom Pravilnikom o formi garancije za ozbiljnost ponude i izvršenje ugovora ("Službeni glasnik BiH" broj: 90/14).

#### Član 7.

Plaćanje po Ugovorima na osnovu ovog Sporazuma Naručioci će obezbijediti na sljedeći način: bez avansa, po ispostavljenim situacijama ovjerenim od strane nadzornog organa Naručioca, najkasnije u roku od 30 dana od ispostavljanja situacije ili fakture na protokol Naručioca, na transakcijski račun broj: 160200000813368 kod Vakufske banke d.d. Sarajevo, u korist Izvođača radova "Ame" d.o.o. Breza.

#### Član 8.

Rokovi za izvođenje radova će se definisati pojedinačnim ugovorima u zavisnosti od obima i vrste poslova tretiranih ugovorima, a isti neće biti kraći od 30 niti duži od 60 dana.

#### Član 9.

Naručilac se obavezuje:

- 1.da će Izvođaču predati investiciono-tehničku dokumentaciju po kojoj će se izvoditi radovi koji će biti predmet pojedinačnih ugovora po okvirnom sporazumu;

2. da će obezbijediti sredstva za finansiranje izvođenja radova koji će biti predmet pojedinačnih ugovora po okvirnom sporazumu;
3. da će Izvođaču platiti ugovorenu cijenu na način i rokovima određenim ovim Okvirnim sporazumom i pojedinačnim ugovorima;
4. da će Izvođača uvesti u posao u skladu sa odredbama ovog Okvirnog sporazuma i pojedinačnim ugovorima;
5. da će osigurati Nadzor na izvođenju radova i
6. da od Izvođača primi izvedene radove.

#### Član 10.

Izvođač se obavezuje:

- da će izvesti radove stručno i kvalitetno a u skladu sa standardima i normama predviđenim za ugovorenu vrstu radova u skladu sa Zakonom o prostornom uređenju;
- da će redovno voditi građevinski dnevnik, građevinsku knjigu i ostalu građevinsko-tehničku dokumentaciju, te da će obračun situacija vršiti samo na osnovu prethodno ovjerenih količina izvršenih radova u građevinskoj knjizi od strane Nadzornog organa;
- da će o svom trošku pribaviti sve ateste i garancije za sav ugrađeni materijal i opremu izdatu od ovlaštene institucije i iste predati Naručiocu;
- da će osigurati dokaze o kvalitetu radova i ugrađenih materijala i opreme prema važećim standardima i zahtjevima iz projekta;
- da će snositi sve eventualne štete pričinjenim trećim licima prilikom izvođenja radova, odnosno nastalih kao posljedica izvođenja radova;
- da će u roku od tri dana po potpisivanju ovog Sporazuma i pojedinačnih ugovora imenovati odgovornog rukovodioca radova i pismeno o tome obavjestiti Naručioca;
- da će obezbijediti izradu Elaborata privremene regulacije saobraćaja za vrijeme izvođenja radova (izrađen od ovlaštenog projektanta) u skladu sa ZOBS-om i Pravilnikom o uslovima, načinu, sadržaju i ovlaštenju za izradu elaborata privremene regulacije saobraćaja u toku izvođenja radova na javnoj cesti ("Službene novine Kantona Sarajevo" broj: 21/18);
- da na osnovu pribavljenog Elaborata dobije saglasnost za izmjenu režima saobraćaja od Ministarstva saobraćaja Kantona Sarajevo;
- da po dobijanju saglasnosti za izmjenu režima saobraćaja postavi kompletnu privremenu saobraćajnu signalizaciju potrebnu za izvođenje radova, a u skladu sa prihvaćenim elaboratom privremene regulacije saobraćaja;
- da će o svom trošku otkloni sve nedostatke na izvršenim radovima koji se eventualno utvrde u toku izvođenja radova, a na zahtjev i u roku koji odredi Nadzorni organ;
- da će po završetku radova ukloniti svu privremenu signalizaciju, a postojeću signalizaciju vrati u prvobitno stanje;
- da će otkloniti sve nedostatke prilikom primopredaje radova u roku koji odredi Nadzorni organ;
- da će otkloniti sve nedostatke u garantnom roku na koje ukaže Naručilac;
- da će po završetku i primopredaji radova ukloniti sav višak materijala i opreme sa gradilišta i
- da će zajedno sa Nadzornim organom sačiniti zapisnik o završenim radovima.

#### Član 11.

Saglasno odredbama Zakona o prostornom uređenju Izvođač radova će biti dužan da o svom trošku blagovremeno preduzimaju potrebne mjere sigurnosti u toku izvršenja radova.

Mjere sigurnosti iz prethodnog stava imaju za cilj:

- zaštitu života, zdravlja i tjelesnog integriteta lica koja izvršavaju radove ili prolaze gradilištem, odnosno stanuju u neposrednoj blizini gradilišta,
- osiguranje javnog saobraćaja u toku izvođenja radova i u vrijeme prekida radova, odnosno do potpunog završetka radova,
- sprečavanje mogućih šteta učesnicima u saobraćaju i oštećenja ili uništenja izvedenih radova, trupa puta, saobraćajne signalizacije i opreme na putu,
- sprečavanje oštećenja ili uništenja susjednih objekata, saobraćajnica, instalacija, opreme, materijala i sredstava rada, poljoprivrednog zemljišta i nasada i sl.
- urednu predaju gradilišta po završetku radova.

## Član 12.

Izvođač radova će biti dužan da svakodnevno vodi građevinski dnevnik i građevinsku knjigu sa izvedenim nacrtima.

Građevinski dnevnik vodi ovlašteni predstavnik Izvođača radova, a potpisuje ga nadzorni organ u roku od sedam dana.

Nakon obostranog potpisivanja dnevnika nisu dozvoljeni naknadni upisi u dnevnik.

U građevinski dnevnik obavezno se upisuju vrijeme početka i završetka radova, a naročito onih radova ili radnji koje utiču na siguran i nesmetan saobraćaj.

U građevinski dnevnik obavezno se unose podaci o inspekcijskim pregledima i mjerama koje su preduzete kao i drugi podaci koji su od značaja za izvršenje ugovornih obaveza.

Garancija za izvedene radove iznosi 2 (dvije) godine od primopredaje.

Izvođač je dužan da u toku garantnog roka na prvi pismeni poziv Naručioca otkloni o svom trošku sve nedostatke koji se odnose na kvalitet radova, odnosno koji su nastali zbog upotrebe materijala koji ne odgovara ugovorenoj namjeni i kvalitetu.

## Član 13.

Građevinski dnevnik se vodi u dva primjerka, od kojih jedan uzima Naručilac, a drugi ostaje Izvođaču.

Građevinska knjiga se vodi u jednom primjerku, i nakon ovjere od strane nadzornog organa se predaje Naručiocu.

## Član 14.

Poslije konačnog obračuna Izvođač predaje Naručiocu građevinsku i inspekcijsku knjigu.

Naručilac ovjerava okončanu situaciju na osnovu uvida u građevinsku knjigu ovjerenu od strane nadzornog organa.

## Član 15.

Ukoliko Izvođač radova ne izvodi radove u skladu sa zahtjevanim kvalitetom, odnosno važećim tehničkim propisima, standardima, smjernicama i usvojenoj dokumentaciji, ili radove izvršava na način kojim se ugrožava sigurnost saobraćaja, Naručilac ima pravo da obustavi daljnje izvođenje radova i da od Izvođača radova zahtjeva da u datom primjerenom roku otkloni nedostatke koji su doveli do obustave radova.

Ako Izvođač zakasni sa izvođenjem radova dužan je da za svaki dan zakašnjenja plati Naručiocu ugovornu kaznu u iznosu od 1 ‰ (jednog promila) od ukupne vrijednosti ugovorene cijene po pojedinačnom ugovoru, a maksimalno 5 % od ukupne vrijednosti predmetnog Ugovora.

Penali iz stava 1. ovog člana neće se obračunavati ako do prekoračenja rokova nije došlo krivicom Izvođača radova ili ako je prekoračenje rokova nastupilo kao posljedica vanrednih događaja (viša sila) na koje izvođač nije mogao uticati.

## Član 16.

Primopredaja i konačan obračun izvedenih radova će se vršiti u roku od 8 (osam) dana od prijema rješenja/obavještenja o završetku radova po pojedinačnim ugovorima.

Primopredaja i konačni obračuni će se vršiti zapisnički.

Zapisnik će potpisivati ovlašteni predstavnici Naručioca i Izvođača.

Ako se zapisnikom o primopredaji radova utvrde nedostaci u odnosu na ugovorene uslove, Izvođač radova će biti dužan otkloniti nedostatke u roku utvrđenom zapisnikom.

## Član 17.

Količina predmeta nabavke navedena u Obrascu za cijenu ponude određena je okvirno.

Stvarno nabavljena količina predmeta nabavke na temelju Sporazuma može biti jednaka ili manja od predviđene okvirne količine.

#### **Član 18.**

Na sva prava i obaveze koja nisu regulisana ovim Sporazumom, primjenjivat će se odredbe Zakona o obligacionim odnosima.  
Nakon zaključenja Sporazuma, njegove odredbe ne mogu se mjenjati.

#### **Član 19.**

Ovaj okvirni sporazum ugovorne strane mogu raskinuti pisanim putem, na način da strana koja traži raskid ovog okvirnog sporazuma upućuje pisanu obavijest drugoj ugovornoj strani, i to u slučaju povrede odredbi ovog okvirnog sporazuma, ako druga strana nije takvu povredu ispravila čak ni u ostavljenom primjerenom roku, koji ne može biti kraći od 5 dana.

Naručilac može raskinuti ovaj sporazum u slučaju:

- da Izvođač kojem je ponuđeno zaključivanje pojedinačnog ugovora ne potpiše pojedinačni ugovor ili ne dostavi bankovnu garanciju za dobro izvršenje ugovora,
- da iz bilo kog razloga ugovorne strane raskinu pojedinačni ugovor,
- da druga ugovorna strana ne poštuje odredbe ovog okvirnog sporazuma.

#### **Član 20.**

Naručilac može raskinuti Sporazum naročito u slijedećim slučajevima:

- ukoliko se Izvođač radova ne pridržava obaveza iz Sporazuma, odnosno ukoliko grubo krše odredbe Sporazuma,
- ukoliko kvalitet izvedenih radova nije u skladu sa tehničkim propisima,
- ako Izvođač radova ne izvede radove u predviđenom roku, izuzev ako je za odstupanje data pismena saglasnost Nadzornog organa,
- ako Izvođač radova izvodi radove nekvalitetno i ne izvršava poslove po nalogu Nadzornog organa,
- ukoliko poslove ustupi drugoj firmi ili podugovaraču poslova kojeg nije naveo u prihvaćenoj ponudi.

#### **Član 21.**

Ugovorne strane su saglasne da Izvođač neće zapošljavati fizičke osobe koje su sudjelovale u pripremi tenderske dokumentacije i bile član Komisije za javne nabavke Naručioca.  
Ograničenje u smetnji iz stava 1. ovog člana traje šest mjeseci od dana stupanja na snagu ovog Sporazuma odnosno od početka njegove realizacije putem pojedinačnih ugovora.

#### **Član 22.**

Učesnici Sporazuma su saglasni da će sporove koji nastanu u neposrednom procesu izvršavanja prava i obaveza po ugovorima o javnoj nabavi koji će biti sklopljeni na osnovu ovog Okvirnog sporazuma rješavati dogovorom ili posredovanjem, a u cilju usaglašavanja stavova i sporazumjevanja.

U slučaju da učesnici Sporazuma ne uspiju usaglasiti stavove na način predviđen prethodnim stavom, sporovi će se rješavati putem Općinskog suda Sarajevu.

#### **Član 23.**

Ovaj Sporazum je sačinjen u 8 (osam) istovjetnih primjeraka, od kojih 2 (dva) primjerka pripadaju Izvođaču, a po 3 (tri) primjerka pripadaju Naručiocima.

Izradio: Mirza Čutura

Kontrolisao: Sanjin Korman

Saglasna: Melisa Kršo

Saglasan: Fetah Kadrić

NARUČILAC  
Općinski načelnik

Edin Smajić

Broj: 07-11-878/20  
Vogošća: 06.07.2020.godine

NARUČILAC  
Direkcija za puteve Kantona Sarajevo

Direktor Selmir Kovač dipl.ing.saob

Broj: 07-11-23343  
Vogošća: 06.07.2020.godine

IZVOĐAČ  
"Ame" d.o.o. Breza

Direktor Nedžareta Omerhodžić

Broj: 058/20  
Vogošća: 06.07.2020.godine